

UDHËZIM
Nr.10, datë 3.7.2007

PËR KRITERET E LICENCIMIT TË AGJENCIVE, PËR USHTRIMIN E
VEPRIMTARISË SË TRAJTIMIT TË PRAKTIKAVE TË QARKULLIMIT TË MJETEVE
ME MOTOR DHE/OSE TË RIMORKIOVE

Në mbështetje të pikës 4 të nenit 102 të Kushtetutës së Republikës së Shqipërisë dhe të ligjit nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”,

UDHËZOJ:

Neni 1

1. Subjektet juridike, që të ushtrojnë veprimtarinë e agjencisë për trajtimin e praktikave të qarkullimit të mjeteve me motor dhe/ose të rimorkiove, duhet të disponojnë:

- zyrë për punë administrative;
- nyje hidrosanitare;
- kompjutera.

2. Subjektet juridike, që të pajisen me leje për ushtrimin e veprimtarisë së agjencisë për trajtimin e praktikave të qarkullimit të mjeteve me motor dhe/ose të rimorkiove, duhet të plotësojnë kushtet dhe procedurat si më poshtë vijon:

- Kërkesë e drejtuesit ligjor për pajisjen me leje për ushtrimin e veprimtarisë së agjencisë për trajtimin e praktikave të qarkullimit të mjeteve me motor dhe/ose të rimorkiove, ku të përcaktohen emri i subjektit, drejtuesit ligjor, që përmban dhe vetëdeklarimin për:

- a) gjendjen e tij në lidhje me organet e prokurorisë dhe të gjykatës;
- b) njohjen dhe zbatimin e legjislacionin dhe të rregullave në fuqi;
- c) dërgim informacioni periodik, për veprimtarinë e shoqërisë etj.;
- d) informacion në lidhje me pajisjet, instrumentet dhe ambientet e nevojshme që subjekti disponon, në lidhje me fushën e veprimtarisë ku kërkohet të licencohet;

sipas formatit të hartuar nga Drejtoria e Licencimit dhe formularit tip të Ministrisë së Ekonomisë, Tregtisë dhe Energjetikës (bashkëlidhur). Gjithashtu kërkesa shoqërohet me:

- kopje të noterizuara të vendimit të regjistrimit në gjykatë;
- kopje të vërtetimit të aftësisë profesionale për ushtrimin e veprimtarisë së agjencisë;
- vërtetim nga DRSHTRR-ja, për plotësimin e kushteve të përcaktuara në pikën 1 të këtij neni.

Neni 2

1. Tarifa për leje njëvjeçare, për subjektet juridike, për ushtrimin e veprimtarisë së agjencisë për trajtimin e praktikave të qarkullimit të mjeteve me motor dhe/ose të rimorkiove është 10 000 (dhjetë mijë) lekë.

2. Tarifa për leje mbi një vit, kur kërkohet nga subjekti, është e barabartë me vleftën, që del nga shumëzimi i tarifës njëvjeçare (10 000 lekë) me numrin e viteve që kërkohet leja.

Neni 3

Përpara marrjes së lejes së veprimtarisë, subjektet duhet të ngurtësojnë dhe të dorëzojnë në Ministri, vlerën e garancisë prej 200 000 (dyqind mijë) lekësh.

Neni 4

1. Titullari i agjencisë për trajtimin e praktikave të qarkullimit të mjeteve me motor dhe/ose

të rimorkiove, për të marrë vërtetimin e aftësisë profesionale për agjencitë, duhet të ketë njohuritë e domosdoshme mbi:

- ligjin nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”;

- ligjin nr.8378, datë 22.7.1998 “Kodi Rrugor i Republikës së Shqipërisë”;

- vendimin e Këshillit të Ministrave nr.153, datë 7.4.2000 “Rregullorja e zbatimit të Kodit Rrugor në Republikën e Shqipërisë”, neni 252;

- udhëzimin “Për ushtrimin e veprimtarisë së agjencisë për trajtimin e praktikave të qarkullimit të mjeteve me motor dhe/ose të rimorkiove” e Ministrit të Punëve Publike, Transportit dhe Telekomunikacionit;

- udhëzimin “Për regjistrimin e mjeteve rrugore” e Ministrit të Punëve Publike, Transportit dhe Telekomunikacionit.

2. DPSHTRR-ja organizon kurse kualifikimi, sipas programeve të miratuara nga MPPTT-ja, për ngritjen e nivelit tekniko-profesionale të titullarëve dhe të punonjësve të tjerë, të agjencive për trajtimin e praktikave të qarkullimit të mjeteve me motor dhe/ose të rimorkiove.

3. Titullari i agjencisë për trajtimin e praktikave të qarkullimit të mjeteve me motor dhe/ose të rimorkiove, për të marrë vërtetimin e aftësisë profesionale për agjencitë, duhet të paraqesë në DRSHTRR:

- kërkesë për pajisje me “Vërtetim të aftësisë profesionale për agjenci”, ku të përcaktohen, ku do të aplikojë dhe veprimtaria e tij e kryer nga marrja e diplomës, në formën e CV-së;

- kopje të noterizuara të diplomës;

- certifikatë personale me fotografi;

- dokumentacion teknik justifikues (origjinal ose kopje të noterizuara) për çka është përshkruar si veprimtari e kryer në CV; vërtetime nga subjekte, institucione apo organizma, certifikata kursi apo specializimi, që kanë lidhje me fushën e veprimtarisë së agjencisë etj.

4. Titullari i agjencisë për trajtimin e praktikave të qarkullimit të mjeteve me motor dhe/ose të rimorkiove, pajiset me “Vërtetimin e aftësisë profesionale për agjencitë” nga Drejtoria e Përgjithshme e Shërbimeve të Transportit Rrugor, pasi të ketë kaluar provimin për nivelin e njohurive të përcaktuara në pikën 1 të këtij neni.

Neni 5

1. Modelet e regjistrave janë bashkëlidhur këtij udhëzimi dhe janë pjesë përbërëse e tij.

2. Plotësimi i regjistrave duhet të bëhet i plotë, me saktësi dhe në mënyrë të rregullt kronologjike.

3. Ruajtja e regjistrave në arkivë duhet të bëhet sipas rregullave të arkivave.

Neni 6

1. Të gjithë subjektet që pajisen me lejen e veprimtarisë së agjencisë për trajtimin e praktikave të qarkullimit të mjeteve me motor dhe/ose të rimorkiove, përpara fillimit të aktivitetit të përcaktuar në lejen e veprimtarisë:

- duhet të bëjnë ndryshimet në vendimin e gjykatës, për veprimtarinë e licencuar;

- duhet të bëjnë ndryshimet në organin tatimor, për veprimtarinë e licencuar;

- duhet të dorëzojnë në Ministri, dokumentet e ndryshuara të gjykatës dhe të organit tatimor.

2. Ministria nuk do të bëjë rinovimin e lejes së veprimtarisë, në rast se nuk është bërë depozitimi i ndryshimeve të përmendura në pikën 1 të këtij neni.

Neni 7

1. Numri i agjencive për trajtimin e praktikave të qarkullimit të mjeteve me motor dhe/ose të rimorkiove, është bazuar në numrin e mjeteve të regjistruara në çdo qytet, sipas tabelës bashkëlidhur këtij udhëzimi dhe që janë pjesë përbërëse e tij.

Neni 8

1. MPPTT, brenda 30 ditëve nga depozitimi i kërkesës, u lëshon lejet për veprimtarinë që kërkohet, subjekteve që plotësojnë të gjitha kërkesat e këtij udhëzimi.

2. MPPTT, brenda 30 ditëve nga depozitimi i kërkesës, u kthen përgjigje subjekteve që nuk plotësojnë të gjitha kërkesat e lartpërmendura në këtë nen.

3. Në rastet kur MPPTT-ja nuk kthen përgjigje brenda 30 ditëve nga depozitimi i kërkesës, leja e kërkuar nga subjektet konsiderohet e miratuar dhe subjektit i lind e drejta të fillojë veprimtarinë.

Neni 9

Ky udhëzim hyn në fuqi pas botimit në Fletoren Zyrtare.

MINISTRI I PUNËVE PUBLIKE, TRANSPORTIT
DHE TELEKOMUNIKACIONIT
Sokol Olldashi

NUMRI I AGJENCIVE, BAZUAR NË NUMRIN E MJETEVE TË REGJISTRUARA

Nr.	Qendra administrative	Numri i agjencive	VËREJTJE
1.	Berat	40	

2.	Kuçovë	20	
3.	Skrapar	20	
4.	Durrës	120	
5.	Krujë	20	
6.	Kavajë	30	
7.	Gjirokastrë	30	
8.	Tepelenë	20	
9.	Përmet	20	
10.	Sarandë	20	
11.	Delvinë	20	
12.	Laç	20	
13.	Lezhë	20	
14.	Mirditë	20	
15.	Elbasan	60	
16.	Peqin	20	
17.	Gramsh	20	
18.	Librazhd	20	
19.	Korçë	50	
20.	Ersekë	20	
21.	Pogradec	20	
22.	Devoll	20	
23.	Shkodër	80	
24.	Malësi e Madhe	20	
25.	Pukë	20	
26.	Dibër	20	
27.	Bulqizë	20	
28.	Mat	20	
29.	Fier	70	
30.	Mallakastër	20	
31.	Lushnje	30	
32.	Kukës	20	
33.	Bajram Curri	20	
34.	Has	20	
35.	Vlorë	70	
36.	Tiranë	300	
	TOTALI	1380	

Përgatitur nga Ministria e Ekonomisë, Tregtisë dhe Energjetikës

Datë, më _____._____._____

FORMULARI TIP I AUTODEKLARIMIT

AUTODEKLARIM

**Drejtoria e Përgjithshme Rregullatore
Drejtoria e Licencimit**

T i r a n ë

Pjesa e parë (do të përmbajë gjeneralitetet e përgjithshme)

Unë i nënshkruari _____, deklaroj që jam banues në adresë _____, me seli _____, tel.: _____, cel.: _____ dhe me dokument identifikimi / nr. i pasaportës _____.

Deklaroj që jam regjistruar në organet tatimore me nr.NIPT-i _____, me vendim gjykatë nr. _____, nuk jam në proces falimentimi, nuk jam në proces hetimi dhe as në proces gjyqësor. Nuk kam asnjë detyrim financiar (ndaj të tretëve) Drejtoria e Përgjithshme të Taksave dhe Tatimeve (për subjektet juridike).

Deklaroj që njoh dhe zbatoj ligjin nr.9573, datë 3.7.2006 “Për autoriparimin, shitblerjen, depozitim të mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”.

Pjesa e dytë (informacion i përgjithshëm lidhur me aktivitetin që ka kryer më parë subjekti, me pyetje alternative)

1. Keni licencë të mëparshme _____ PO / JO
Nëse po, specifikoni fushën _____

2.

Pjesa e tretë (përgjegjësia e vetë subjektit në rast se ai nuk ka zbatuar apo ka dhënë informacion jo të saktë, atëherë do të përballet me ligjin në fuqi për raportim jo të saktë të të dhënave)

Deklaroj

Që të gjitha të dhënat e mësipërme janë të vërteta dhe në përputhje me legjislacionin në fuqi.



**REPUBLIKA E SHQIPËRISË
MINISTRIA E PUNËVE PUBLIKE, TRANSPORTIT DHE
TELEKOMUNIKACIONIT
DREJTORIA E PËRGJITHSHME RREGULLATORE
DREJTORIA E LICENCIMIT**

L E J E

Nr. _____ datë ____/____/____

**PËR USHTRIMIN E VEPRIMTARISË SË AGJENCIVE QË TRAJTOJNË
PRAKTIKAT E QARKULLIMIT RRUGOR**

Në mbështetje të pikës 1 të nenit 29 të ligjit nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”, Ministri i Punëve Publike, Transportit dhe Telekomunikacionit lëshon këtë leje.

I LËSHOHET:

Subjektit juridik: _____

Administrator: _____

Me seli në: _____

Leja është e vlefshme deri në datën ____/____/____.

(Emri, mbiemri)
M I N I S T E R

MODELI I REGJISTRIT PËR AGJENCINË E PRAKTIKAVE TË QARKULLIMIT TË MJETEVE

[illegible]

Shënim: Regjistri duhet të plotësohet në mënyrë të saktë, kronologjikisht dhe pa gabime.

